

TRIGLAV BH OSIGURANJE, D.D. SARAJEVO  
DOLINA BR. 8, 71000 SARAJEVO



## DOPUNSKI UVJETI ZA DODATNO OSIGURANJE DJECE OD POSLJEDICA NESRETNOG SLUČAJA-NEZGODE

PG-D-OTR  
11-03-bh

### Član 1 – OPĆE ODREDBE

- [1] Dodatnim osiguranjem djece od posljedica nesretnog slučaja-nezgode (u daljnjem tekstu: Dodatno osiguranje djece) moguće je osigurati djete za slučaj smrti usljed nesretnog slučaja-nezgode, za potpunu ili djelimičnu trajnu invalidnost zbog nesretnog slučaja-nezgode i za dnevnu naknadu za boravak u bolnici, ako je djete usljed nezgode boravilo i liječilo se u bolnici.
- [2] Osigurane sume i premije za dodno osiguranje djece su utvrđene policom osiguranja i zavise od starosne dobi osiguranog djeteta.
- [3] Ako je dodatno osiguranje djece priključeno osnovnom osiguranju života, sastavni dio ugovora o osiguranju života s priključenim Dodatnim osiguranjem djece, koji je sklopljen između ugovarača osiguranja i Triglav BH Osiguranja dd (u daljnjem tekstu: Osiguravač), su i Dopunski uvjeti za dodatno osiguranje djece od posljedice nesretnog slučaja-nezgode.
- [4] Opći uvjeti za osiguranje osoba od posljedica nesretnog slučaja-nezgode važe i za Dodatno osiguranje djece od posljedica nesretnog slučaja-nezgode sa sljedećim promjenama:
- 1/ osiguravaju se osobe do napunjenih 18 godina starosti, pri čemu se osobe do 14 godina starosti osiguravaju bez obzira na zdravstveno stanje i opću radnu u sposobnost, kao i bez plaćanja povećane premije definisane Članom 8, stav 1, tačka 6 Općih uvjeta za osiguranje osoba od posljedica nesretnog slučaja-nezgode (u daljnjem tekstu: Općih uvjeta za nezgodu). Osobe su, u skladu sa Članom 4, stav 3 Općih uvjeta za nezgodu, u svakom slučaju isključene iz osiguranja;
  - 2/ dodatno osiguranje prestaje krajem one godine u kojoj je osigurana osoba dodatnog osiguranja napunila 26 godina starosti, odnosno prestaje ranije u slučaju da osigurana osoba umre, postane poslovno nesposobna, 100%-tni invalid ili je po osnovnom životnom osiguranju ugovarač stekao pravo da neplaća premiju osiguranja. Za početak i kraj osiguranja te obaveze Osiguravača vrijede odredbe Općih uvjeta osnovnog životnog osiguranja;
  - 3/ u slučaju povećanja ili smanjenja osiguranih suma ovog osiguranja, Osiguravač ima obavezu po novoj osiguranoj sumi od 00.00 sati onog dana koji je na polici s dodatkom naveden kao početak promjene;
  - 4/ prema korisniku važe odredbe iz police, odnosno ponude;
  - 5/ odredbe Člana 8 Općih uvjeta za nezgodu vrijede za osigurane osobe koje su u vrijeme zaključenja osiguranja starije od 14 godina.
- [5] Starost osigurane osobe dodatnog osiguranja se utvrđuje tako da se od kalendarske godine u kojoj se osiguranje zaključuje oduzmu godine rođenja osigurane osobe. Dan i mjesec rođenja, kao i datum

zaključenja osiguranja, ne utiču na određivanje starosti osigurane osobe.

- [6] Ako od posljedica nesretnog slučaja/nezgode umre osoba mlađa od 14 godina, Osiguravač isplaćuje na ime troškova sahrane/dženaze na polici navedenu osiguranu sumu za slučaj smrti usljed nesretnog slučaja-nezgode.
- [7] Ukoliko nesretni slučaj- nezgoda ima za posledicu invalidnost, koja je po tabeli invalidnosti veća od 50%, Osiguravač plaća 50% od ugovorene osigurane sume za invalidnost, a iznad dogovorene osigurane sume 3% osigurane sume za invalidnost za svaki postotak invalidnosti veći od 50%. Maksimalni iznos za isplatu na ime invalidnosti je 200% od ugovorene osigurane sume za invalidnost.

### Član 2 – ZAVRŠNE ODREDBE

Dopunski uvjeti za dodatno osiguranje djece od posljedica nesretnog slučaja/nezgode važe uz Opće uvjete za životno osiguranje i Opće uvjete za osiguranje osoba od posljedica nesretnog slučaja- nezgode. Ako se njihov sadržaj razlikuje od Općih uvjeta, važe ovi dopunski uvjeti.